



---

Број/ Број : 02/2-50-1-23-41/09

Сарајево/ Сарајево: 10.5..2010. године

## ZAPISNIK

### **41. sjednice Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine Bosne i Hercegovine, održane 10.5.2010.**

Sjednicu Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH (u daljnjem tekstu: Komisija) sazvala je predsjedavajuća Komisije Alma Čolo.

Sjednici Komisije su, u svojstvu članova, prisustvovali: Alma Čolo, Adem Ibrahimpašić, Slobodan Šaraba i Branko Zrno, te Nenad Pandurević, sekretar Komisije. Odsustvo su opravdali Dušanka Majkić i Božo Ljubić.

Sjednici su, u svojstvu predlagača i izvjestilaca, prisustvovali: Mladen Simić, zamjenik ministra, Kojo Koprivica, pomoćnik ministra, i Namik Kupusović, šef za Koridor Vc u Ministarstvu komunikacija i prometa BiH, Hajrudin Podbičanin, pomoćnik ministra, i Šefika Tutundžić, šef odsjeka u Ministarstvu vanjske trgovine i ekonomskih odnosa BiH, Zoran Perković, pomoćnik ministra, Edin Šehić i Alija Muminović, šefovi odsjeka, Sead Avdić i Senad Bužumkić, savjetnici u Ministarstvu vanjskih poslova BiH, Miroљub Krunic i Vera Letica pomoćnici ministra u Ministarstvu finansija i trezora BiH, Fikret Gaćanović, predsjedavajući, i Delivoje Đerić, član Vijeća Agencije za poštanski saobraćaj BiH, Milad Zeković, direktor, i Snežana Akulović, savjetnik direktora u Upravi BiH za zaštitu zdravlja bilja, Darko Čabanov, zamjenik direktora u Uredu za veterinarstvo BiH, Jovan Šarac, zamjenik direktora u Institutu za intelektualno vlasništvo BiH, Davor Palinić, zamjenik direktora u Agenciji za nadzor nad tržištem BiH, Grenko Arapović, stručni savjetnik u Ministarstvu pravde BiH, Goran Brčkalović, direktor sektora, i Igor Gavran, projekt menadžer u Vanjskotrgovinskoj komori BiH, Siniša Petrović, pomoćnik direktora, i Emir Powlakić, rukovodilac sektora u Regulatornoj agenciji BiH, Marija Putica, predsjedavajuća UO BHRT-a, te Zoran Brkić, viši stručni saradnik u Sektoru za odnose s javnošću, i Igor Masal, viši stručni saradnik u istraživačkom sektoru PSBiH.

Sjednica Komisije počela je u 14 sati.

Predsjedavajuća Komisije Alma Čolo je za sjednicu predložila sljedeći

### **DNEVNI RED**

1. Usvajanje Zapisnika 40. sjednice Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH;
2. Razmatranje Prijedloga zakona o izmjeni i dopunama Zakona o carinskoj politici Bosne i Hercegovine (druga komisijska faza), predlagač: Vijeće ministara BiH;
3. Razmatranje Prijedloga zakona o zaštiti topografije integriranog kola (druga komisijska faza), predlagač: Vijeće ministara BiH;
4. Razmatranje davanja saglasnosti za ratificiranje Sporazuma o finansiranju između Bosne i Hercegovine i Komisije Evropskih zajednica u vezi s multikorisničkim programom 2B, za projekte koji zahtijevaju Sporazum o finansiranju u okviru Instrumenta za pretpristupnu pomoć u 2008. godini;
5. Razmatranje davanja saglasnosti za ratificiranje Sporazum o finansiranju između BiH i Komisije Evropskih zajednica u vezi s horizontalnim programom o nuklearnoj sigurnosti i zaštiti od zračenja, u okviru Instrumenta za pretpristupnu pomoć u 2008. godini;
6. Razmatranje davanja saglasnosti za ratificiranje Sporazuma o finansiranju između Bosne i Hercegovine i Evropske investicione banke – Kredit Investiciono-razvojne banke Republike Srpske za mala i srednja preduzeća;
7. Razmatranje davanja saglasnosti za ratificiranje Sporazuma o kreditu između Bosne i Hercegovine i Međunarodne banke za obnovu i razvoj (IBRD) – Poboljšanje pristupa finansijskim projektima za mala i srednja preduzeća;
8. Razmatranje davanja saglasnosti za ratificiranje Sporazuma između Bosne i Hercegovine i Republike Hrvatske o izmjenama Sporazuma o međusobnom izvršavanaju sudskih odluka u krivičnim stvarima;
9. Razmatranje davanja saglasnosti za ratificiranje Ugovora između Bosne i Hercegovine i Republike Srbije o izmjenama i dopunama Ugovora između Bosne i Hercegovine i Srbije i Crne Gore o pravnoj pomoći u građanskim i krivičnim stvarima;
10. Razmatranje davanja saglasnosti za ratificiranje Konvencije o zabrani kasetne municije, Oslo, 3. 12. 2008.;
11. Razmatranje Izvještaja o radu Vijeća ministara BiH za 2009. godinu u dijelu nadležnost Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH:
  - Ministarstva vanjskih poslova BiH,
  - Ministarstva komunikacija i prometa BiH,

- Ministarstva vanjske trgovine i ekonomskih odnosa BiH,
  - Ureda za veterinarstvo BiH,
  - Uprave BiH za zaštitu zdravlja bilja, i
  - Agencije za nadzor nad tržištem BiH,
  - Agencije za poštanski saobraćaj BiH.
12. Razmatranje Izvještaja o aktivnostima na Projektu „Autoput na Koridoru Vc“ i Plana narednih aktivnosti (Zaduženje Doma naroda sa 44. sjednice, održane 9. i 19.4.2010.);
13. Razmatranje Izvještaja o radu i finansijskog izvještaja Agencije za poštanski saobraćaj BiH za 2009. godinu;
14. Razmatranje Izvještaja o radu i poslovanju BHRT-a za 2009. godinu;
15. Razmatranje dopisa Upravnog odbora Radio-televizije BiH u vezi sa isključenjem srednjotalasnog odašiljača u Donjim Moštrama (na osnovu zaduženja Kolegija Doma naroda PSBiH, broj: 02-50-1-17-40-5/10, od 30.3.2010.);
16. Godišnji izvještaj Ministarstva vanjskih poslova BiH o zaključenim međunarodnim ugovorima i stanju međunarodnih ugovora koji su u postupku ratifikacije;
17. Informacije Ministarstva vanjskih poslova BiH:
- Informacija o liberalizaciji viznog režima za Bosnu i Hercegovinu;
  - Evropski parlament – Prijedlog rezolucije o situaciji u Bosni i Hercegovini;
  - Izvještaj Doris Pack na AFET-u - Rezolucija o BiH;
  - Ratifikacija Sporazuma o stabilizaciji i pridruživanju sa BiH;
18. Razmatranje izvještaja o međunarodnim aktivnostima komisija i parlamentarnih delegacija PSBiH:
- Izvještaj o zvaničnoj posjeti predsjedavajućeg Predstavničkog doma PSBiH Milorada Živkovića, zamjenika predsjedavajućeg Predstavničkog doma PSBiH Beriza Belkića i poslanika u Predstavničkom domu PSBiH Vinka Zorića Parlamentu Finske;
19. Tekuća pitanja:
- Upoznavanje s dopisom Upravnog odbora Radiotelevizije BiH o Planovima i ciljevima BHRT-a u oblasti prijenosa i emitiranja programa u periodu 2010. – 2012. godina;
  - Upoznavanje s dopisom Odbora Javnog radiotelevizijskog sistema BiH u vezi sa istekom mandata članova Odbora Javnog radiotelevizijskog sistema BiH;
  - Zabilješka sa sastanka članova Kolegija Doma naroda, Komisije za vanjske poslove Predstavničkog doma i Komisije za vanjsku i trgovinsku politiku, carine, saobraćaj i komunikacije Doma naroda s delegacijom Komisije za vanjske poslove Donjeg doma Parlamenta Republike Italije.

*Predloženi dnevni red usvojen je jednoglasno.*

## **Ad. 1. Usvajanje Zapisnika 40. sjednice Komisije**

*Zapisnik 40. sjednice Komisije usvojen je jednoglasno.*

## **Ad.2. Razmatranje Prijedloga zakona o izmjeni i dopunama Zakona o carinskoj politici Bosne i Hercegovine (druga komisijska faza), predlagač: Vijeće ministara BiH**

Predsjedavajuća Komisije Alma Čolo konstatirala je da se Prijedlog zakona razmatra u drugoj komisijskoj fazi, te da je prisutan predstavnik predlagača. Istakla da je Dom naroda Parlamentarne skupštine BiH na 44. sjednici, održanoj 9. i 19. 4. 2010., prilikom razmatranja i usvajanja Prijedloga zakona u prvom čitanju, donio i zaključak da se od Upravnog odbora Uprave za indirektno oporezivanje BiH zatraži da Domu naroda dostavi mišljenje o Prijedlogu zakona o izmjeni i dopunama Zakona o carinskoj politici Bosne i Hercegovine, prije njegovog razmatranja u drugom čitanju.

Predsjedavajuća Komisija konstatirala je da do početka sjednice Komisije nije dostavljeno mišljenje Upravnog odbora Uprave za indirektno oporezivanje BiH te da na Prijedlog zakona u toku amandmanske faze nisu uloženi amandmani.

Predstavnik Ministarstva vanjske trgovine i ekonomskih odnosa BiH Hajrudin Podbičanin kazao je da je stav nadležnog ministarstva da nije potrebno mišljenje Upravnog odbora Uprave za indirektno oporezivanje BiH, jer se radi o produženju rokova zastare, što predstavlja usklađivanje sa zakonodavstvom Evropske unije o carinskoj politici, u tom dijelu.

*Nakon provedene rasprave, Komisija je jednoglasno prihvatila Prijedlog zakona o izmjeni i dopunama Zakona o carinskoj politici Bosne i Hercegovine, te predložila Domu naroda Parlamentarne skupštine BiH njegovo usvajanje.*

U skladu s odredbama člana 107. Poslovnika Doma naroda Parlamentarne skupštine BiH, Komisija je za izvjestioca na sjednici Doma odredila Almu Čolo, predsjedavajuću Komisije.

## **Ad.3. Razmatranje Prijedloga zakona o zaštiti topografije integriranog kola Bosne i Hercegovine (druga komisijska faza), predlagač: Vijeće ministara BiH**

Alma Čolo, predsjedavajuća Komisija, istakla je da se Prijedlog zakona o zaštiti topografije integriranog kola razmatra u drugoj komisijskoj fazi, te da ga je Dom naroda Parlamentarne skupštine BiH usvojio u prvom čitanju na 44. sjednici, održanoj 9. i 19. 4. 2010. Dalje je konstatirala da na Prijedlog zakona u toku amandmanske faze nisu uloženi amandmani, te da je prisutan predstavnik predlagača. Nije bilo pitanja, nakon čega je predsjedavajuća predložila da se Komisija izjasni o Prijedlogu zakona.

*Komisija je jednoglasno prihvatila Prijedlog zakona o zaštiti topografije integriranog kola, te predložila Domu naroda Parlamentarne skupštine BiH njegovo usvajanje.*

U skladu s odredbama člana 107. Poslovnika Doma naroda Parlamentarne skupštine BiH, Komisija je za izvjestioca na sjednici Doma odredila Almu Čolo, predsjedavajuću Komisije.

- Ad.4. Razmatranje davanja saglasnosti za ratificiranje Sporazuma o finansiranju između Bosne i Hercegovine i Komisije Evropskih zajednica u vezi s višekorisničkim programom 2B, za projekte koji zahtijevaju Sporazum o finansiranju u okviru Instrumenta za pretpristupnu pomoć u 2008. godini;**
- Ad.5. Razmatranje davanja saglasnosti za ratificiranje Sporazuma o finansiranju između BiH i Komisije Evropskih zajednica u vezi s horizontalnim programom o nuklearnoj sigurnosti i zaštiti od zračenja, u okviru Instrumenta za pretpristupnu pomoć u 2008. godini;**
- Ad.6. Razmatranje davanja saglasnosti za ratificiranje Sporazuma o finansiranju između Bosne i Hercegovine i Evropske investicione banke – Kredit Investiciono-razvojne banke Republike Srpske za mala i srednja preduzeća;**
- Ad.7. Razmatranje davanja saglasnosti za ratificiranje Sporazuma o kreditu između Bosne i Hercegovine i Međunarodne banke za obnovu i razvoj (IBRD) – Poboljšanje pristupa finansijskim projektima za mala i srednja preduzeća.**

Predsjedavajuća Komisije Alma Čolo predložila je da se sporazumi od tačke 4. do tačke 7. dnevnog reda razmatraju zajedno, s obzirom da su svi iz nadležnosti Ministarstva finansija i trezora BiH.

Prijedlog je jednoglasno prihvaćen, te nakon što predstavnik nadležnog ministarstva nije imao potrebu za dodatnim obrazloženjem, *članovi Komisije jednoglasno su odlučili predložiti Domu naroda davanje saglasnosti za ratifikaciju;*

- *Sporazuma o finansiranju između Bosne i Hercegovine i Komisije Evropskih zajednica u vezi s višekorisničkim programom 2B, za projekte koji zahtijevaju Sporazum o finansiranju u okviru Instrumenta za pretpristupnu pomoć u 2008. godini;*
- *Sporazuma o finansiranju između BiH i Komisije Evropskih zajednica u vezi s horizontalnim programom o nuklearnoj sigurnosti i zaštiti od zračenja, u okviru Instrumenta za pretpristupnu pomoć u 2008. godini;*

- *Sporazuma o finansiranju između Bosne i Hercegovine i Evropske investicione banke – Kredit Investiciono-razvojne banke Republike Srpske za mala i srednja preduzeća;*
- *Sporazuma o kreditu između Bosne i Hercegovine i Međunarodne banke za obnovu i razvoj (IBRD) – Poboljšanje pristupa finansijskim projektima za mala i srednja preduzeća;*

**Ad.8. Razmatranje davanja saglasnosti za ratificiranje Sporazuma između Bosne i Hercegovine i Republike Hrvatske o izmjenama Sporazuma o međusobnom izvršavanju sudskih odluka u krivičnim stvarima;**

**Ad.9. Razmatranje davanja saglasnosti za ratificiranje Ugovora između Bosne i Hercegovine i Republike Srbije o izmjenama i dopunama Ugovora između Bosne i Hercegovine i Srbije i Crne Gore o pravnoj pomoći u građanskim i krivičnim stvarima.**

Članovi Komisije saglasili su se da zajedno razmatraju sporazume iz nadležnosti Ministarstva pravde BiH ( tačka 8 i 9 . dnevnog reda).

Grenko Arapović, predstavnik Ministarstva pravde BiH, istakao je da je za ovaj sporazum i ugovor provedena kompletna procedura koja je zakonom predviđena, da su pribavljene sve potrebne saglasnosti, te da nema nikakvih smetnji za njihovu ratifikaciju.

*Članovi Komisije jednoglasno su odlučili predložiti Domu naroda davanje saglasnosti za ratifikaciju;*

- *Sporazuma između Bosne i Hercegovine i Republike Hrvatske o izmjenama Sporazuma o međusobnom izvršavanju sudskih odluka u krivičnim stvarima;*
- *Ugovora između Bosne i Hercegovine i Republike Srbije o izmjenama i dopunama Ugovora između Bosne i Hercegovine i Srbije i Crne Gore o pravnoj pomoći u građanskim i krivičnim stvarima.*

**Ad.10. Razmatranje davanja saglasnosti za ratificiranje Konvencije o zabrani kasetne municije, Oslo, 3. 12. 2008.**

Predsjedavajuća je konstatovala da je prisutan predstavnik Ministarstva vanjskih poslova BiH, te s obzirom da nije bilo dodatnih pitanja, *članovi Komisije jednoglasno su odlučili predložiti Domu naroda davanje saglasnosti za ratifikaciju:*

- *Konvencije o zabrani kasetne municije, Oslo, 3. 12. 2008.*

**Ad.11. Razmatranje Izvještaja o radu Vijeća ministara BiH za 2009. godinu u dijelu nadležnosti Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH:**

- **Ministarstva vanjskih poslova BiH,**
- **Ministarstva komunikacija i prometa BiH,**
- **Ministarstva vanjske trgovine i ekonomskih odnosa BiH,**
- **Ureda za veterinarstvo BiH,**
- **Uprave BiH za zaštitu zdravlja bilja, i**
- **Agencije za nadzor nad tržištem BiH,**
- **Agencije za poštanski saobraćaj BiH.**

Predsjedavajuća Komisije dala je uvodno obrazloženje u kojem je istakla da je Kolegij Doma naroda Parlamentarne skupštine BiH na 40. sjednici, održanoj 30.03.2010., razmatrao Izvještaj o radu Vijeća ministara BiH za 2009. godinu i odlučio da ga dostavi komisijama Doma naroda kao i zajedničkim komisijama Parlamentarne skupštine BiH na daljnje razmatranje. Dalje je naglasila da je, uzimajući u obzir zaduženje Kolegija Doma naroda, kao i član 27. Poslovnika Doma naroda, Komisija dužna da razmatra Izvještaj u dijelu koji se odnosi na sljedeće institucije: Ministarstvo vanjskih poslova BiH, Ministarstvo komunikacija i prometa BiH, Ministarstvo vanjske trgovine i ekonomskih odnosa BiH, Ured za veterinarstvo BiH, Upravu BiH za zaštitu zdravlja bilja, Agenciju za nadzor nad tržištem BiH i Agenciju za poštanski saobraćaj BiH.

U nastavku je istakla da su uglavnom sve nadležne komisije razmatrajući izvještaj konstatirale da je sačinjen u skladu s metodologijom usvojenom od Vijeća ministara BiH, te da je sveobuhvatan i da je odgovorio na ono što je bilo sadržano u program Vijeća ministara BiH, te da su za sve ono što nije izvršeno u 2009. godini navedeni razlozi zbog čega to nije izvršeno.

Predsjedavajuća je konstatirala da su prisutni predstavnici institucija čiji se izvještaji razmatraju.

*Nakon rasprave, Komisija za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH je, s tri glasa "za", jednim glasom "protiv" i bez "suzdržanih" glasova, prihvatila Izvještaj o radu Vijeća ministara BiH za 2009. godinu, u dijelu iz svoje nadležnosti i predlaže Domu naroda Parlamentarne skupštine BiH njegovo usvajanje.*

U smislu odredbi člana 107. Poslovnika Doma naroda Parlamentarne skupštine BiH, za izvjestioca u plenarnoj fazi imenovana je Alma Čolo, predsjedavajuća Komisije.

**Ad.12. Razmatranje Izvještaja o aktivnostima na Projektu „Autoput na Koridoru Vc“ i Plana narednih aktivnosti (Zaduženje Doma naroda sa 44. sjednice, održane 9. i 19.4.2010.)**

Uvodno obrazloženje dala je predsjedavajuća i podsjetila da je Komisija na 40. sjednici, održanoj 30.3.2010., u svojstvu nadležne komisije i u prisustvu podnosioca, razmatrala i jednoglasno usvojila Izvještaj o aktivnostima na projektu „Autoput na Koridoru Vc“ i Plan narednih aktivnosti. Dodala je da je Doma naroda Parlamentarne skupštine BiH na 44. sjednici, održanoj 9. i 19.4.2010., razmatrao Izvještaj o aktivnostima na projektu „Autoput na Koridoru Vc“ i Plan narednih aktivnosti zajedno s Mišljenjem Komisije za vanjsku i trgovinsku politiku, carine, saobraćaj i komunikacije, i „odlučio navedeni izvještaj, zajedno sa zaključcima delegata Ilije Filipovića, inicijativom Bože Ljubića, te dijelom transkripta koji se odnosi na spornu tačku, dostaviti nadležnoj komisiji na ponovno razmatranje i dostavljanje novog mišljenja”.

Predstavnik Ministarstva komunikacija i prometa BiH Kojo Koprivica naglasio je, kad je riječ o zaključcima koje je predložio Ilija Filipović, da Ministarstvo ostaje kod zaključaka koji su sadržani u izvještaju i koje je usvojio Predstavnički dom PSBiH, te da nema potrebe za usvajanjem novih zaključaka.

Nakon rasprave u kojoj su učestvovali svi članovi Komisije, Komisija je jednoglasno usvojila Izvještaj o aktivnostima na projektu „Autoput na Koridoru Vc“ i Plan narednih aktivnosti i odlučila predložiti Domu naroda Parlamentarne skupštine BiH njihovo usvajanje.

Nakon toga predsjedavajuća je predložila da se članovi Komisije izjasne o zaključcima koje je delegat Ilija Filipović predložio na 44. sjednici Doma naroda. S dva glasa “za”, jednim “protiv” i jednim “suzdržanim” glasom, Komisija je usvojila zaključke i predložila Domu naroda Parlamentarne skupštine BiH njihovo usvajanje:

1. Daje se podrška Vijeću ministara BiH i Ministarstvu komunikacija i prometa BiH da nastave aktivnosti na izradi neophodne projektne dokumentacije i time osiguraju ubranu izgradnju autoputa na Koridoru Vc kroz BiH.
2. Zadužuje se Vijeće ministara BiH, Ministarstvo komunikacija i prometa BiH i Odbor za nadzor realizacije projekta Koridora Vc da, u saradnji s nadležnim organima u Federaciji BiH, riješe pitanje položaja spornih dijelova trase s ciljem izdavanja saglasnosti i dozvola za izgradnju prioriternih dionica, a što se odnosi i na dionicu Zvirovići-Počitelj na Autoputu na Koridoru Vc.
3. Zadužuje se Ministarstvo komunikacija i prometa BiH da u Planu narednih aktivnosti predvidi pružanje stručne pomoći kako bi nadležni organi u Federaciji BiH usvojili prostornu osnovu za Prostorni plan područja posebnih obilježja od značaja za Federaciju BiH „Autoput na Koridoru Vc“ za period od 2008. do 2028. za čitavu trasu Autoputa na Koridoru Vc koji prolazi kroz Federaciju BiH.



4. Nakon realizacije navedenog, zadužuju se Vijeće ministara BiH i Ministarstvo komunikacija i prometa BiH da, u saradnji s nadležnim organima u Federaciji BiH, nastave pregovore o zaključivanju kreditnih sporazuma s međunarodnim finansijskim institucijama za potrebe izgradnje Koridora Vc.

U smislu odredbi člana 107. Poslovnika Doma naroda Parlamentarne skupštine BiH, za izvjestioca u plenarnoj fazi imenovana je Alma Čolo, predsjedavajuća Komisije.

**Ad.13. Razmatranje Izvještaja o radu i finansijskog izvještaja Agencije za poštanski saobraćaj BiH za 2009. godinu**

Predsjedavajuća Komisije konstatirala je da je Izvještaj podnesen na osnovu člana 10. stav (9) Zakona o poštama BiH (“Službeni glasnik BiH”, broj 33/05), te da je usvojen na 76. sjednici Predstavničkog doma, 21.4.2010., bez dodatnih zaključaka.

*Nakon uvodnog obrazloženja predstavnika Agencije za poštanski saobraćaj, Komisija za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH je, s tri glasa “za” i jednim glasom “suzdržan”, prihvatila Izvještaj o radu i finansijski izvještaj Agencije za poštanski saobraćaj BiH za 2009. godinu i predložila Domu naroda Parlamentarne skupštine BiH njegovo usvajanje.*

U smislu odredbi člana 107. Poslovnika Doma naroda Parlamentarne skupštine BiH, za izvjestioca u plenarnoj fazi imenovana je Alma Čolo, predsjedavajuća Komisije.

**Ad.14. Razmatranje Izvještaja o radu i poslovanju BHRT-a za 2009. godinu**

Predsjedavajuća Alma Čolo konstatirala je da je Izvještaj podnesen u skladu s članom 29. stav (1) tačka k) Zakona o Javnom radiotelevizijskom servisu BiH („Službeni glasnik BiH“, broj 92/05) te da je prisutna predsjedavajuća upravnog odbora BHRT-a Marija Putica.

Obrazloženje dostavljenog izvještaja dala je Marija Putica, predsjedavajuća Upravnog odbora.

*Nakon rasprave u kojoj su učestvovali svi članovi Komisije, Komisija za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH jednoglasno je usvojila Izvještaj o radu i poslovanju Radio-televizije Bosne i Hercegovine za 2009. godinu i predložila Domu naroda Parlamentarne skupštine BiH njegovo usvajanje.*

Na prijedlog Slobodana Šarabe, Komisija je jednoglasno usvojila i sljedeći zaključak:

*„Komisija za vanjsku i trgovinsku politiku, carine, saobraćaj i komunikacije Doma naroda PSBiH traži od Upravnog odbora Radiotelevizije BiH da za sve probleme u radu za čije rješavanje nema zakonskih mogućnosti inicira konkretne prijedloge kako bi se druge institucije, a prije svih Parlamentarna skupština BiH, Vijeće ministara BiH i Regulatorna agencija za komunikacije BiH, mogle uključiti, odnosno pomoći u otklanjanju tih problema.“*

U smislu odredbi člana 107. Poslovnika Doma naroda Parlamentarne skupštine BiH, za izvjestioca u plenarnoj fazi imenovana je Alma Čolo, predsjedavajuća Komisije.

**Ad.15. Razmatranje dopisa Upravnog odbora Radio-televizije BiH u vezi sa isključenjem srednjotalasnog odašiljača u Donjim Moštama (na osnovu zaduženja Kolegija Doma naroda PSBiH, broj: 02-50-1-17-40-5/10, od 30.3.2010.)**

Predsjedavajuća Komisije konstatirala je da se navedeni dopis Upravnog odbora BHRT-a u vezi sa isključenjem srednjotalasnog odašiljača u Donjim Moštama razmatra na osnovu zaduženja Kolegija Doma naroda Parlamentarne skupštine BiH, broj: 02-50-1-17-40-5/10, od 30.3.2010.

Dalje je konstatirala da sjednici prisustvuju predstavnici Upravnog odbora Radio-televizije BiH, Ministarstva komunikacija i prometa BiH i Regulatorne agencije za komunikacije BiH kako bu učestvovali u raspravi o ovoj tački dnevnog reda.

U raspravi je Komisija upoznata o tome da je Regulatorna agencija za komunikacije BiH osigurala zaštitu frekvencije tokom njenog privremenog isključenja radi sanacije. Time je omogućeno Radio-televiziji BiH privremeno isključenje odašiljača, čime će se uštedjeti značajna sredstva namijenjena za njegovo održavanje, koja će biti usmjerena u sanaciju antenskog stuba. Potpunu obnovu srednjotalasnog kapaciteta u Donjim Moštama Upravni odbor Radio-televizije BiH predvidio je u okviru ukupnog procesa digitalizacije.

*Članovi Komisije pozdravili su i podržali aktivnosti Upravnog odbora Radio-televizije BiH i Regulatorne agencije za komunikacije BiH i primili k znanju predmetne dopise.*

**Ad.16. Godišnji izvještaj Ministarstva vanjskih poslova BiH o zaključenim međunarodnim ugovorima i stanju međunarodnih ugovora koji su u postupku ratifikacije**

Predsjedavajuća je pozdravila dostavljanje izvještaja od Ministarstva vanjskih poslova BiH. Dodala je da je Izvještaj veoma detaljan i da sadrži informacije koje će članovima Komisije biti korisne.

*Članovi Komisije jednoglasno su prihvatili Godišnji izvještaj Ministarstva vanjskih poslova BiH o zaključenim međunarodnim ugovorima i stanju međunarodnih ugovora koji su u postupku ratifikacije i pozdravili ovakvu vrstu izvještavanja.*

**Ad.17. Informacije Ministarstva vanjskih poslova BiH:**

- Informacija o liberalizaciji viznog režima za Bosnu i Hercegovinu;
- Evropski parlament – Prijedlog rezolucije o situaciji u Bosni i Hercegovini;
- Izvještaj Doris Pack na AFET-u - Rezolucija o BiH;
- Ratifikacija Sporazuma o stabilizaciji i pridruživanju s BiH.

*Članovi Komisije primili su k znanju informacije Ministarstva vanjskih poslova BiH.*

**Ad.18. Razmatranje izvještaja o međunarodnim aktivnostima komisija i parlamentarnih delegacija PSBiH:**

- Izvještaj o zvaničnoj posjeti predsjedavajućeg Predstavničkog doma PSBiH Milorada Živkovića, zamjenika predsjedavajućeg Predstavničkog doma PSBiH Beriza Belkića i poslanika u Predstavničkom domu PSBiH Vinka Zorića Parlamentu Finske;

*Članovi Komisije jednoglasno su usvojili Izvještaj o zvaničnoj posjeti predsjedavajućeg Predstavničkog doma PSBiH Milorada Živkovića, zamjenika predsjedavajućeg Predstavničkog doma PSBiH Beriza Belkića i poslanika u Predstavničkom domu PSBiH Vinka Zorića Parlamentu Finske.*

**Ad.19. Tekuća pitanja**

- Upoznavanje s dopisom Upravnog odbora Radiotelevizije BiH o Planovima i ciljevima BHRT-a u oblasti prijenosa i emitovanja programa u periodu 2010. – 2012. godina;
- Upoznavanje s dopisom Odbora Javnog radiotelevizijskog sistema BiH u vezi sa istekom mandata članova Odbora Javnog radiotelevizijskog sistema BiH;
- Zabilješka sa sastanka članova Kolegija Doma naroda, Komisije za vanjske poslove Predstavničkog doma i Komisije za vanjsku i trgovinsku politiku, carine, saobraćaj i komunikacije Doma naroda s delegacijom Komisije za vanjske poslove Donjeg doma Parlamenta Republike Italije.

Članovi Komisije su oba dopisa i zabilješku primila k znanju, te u vezi s dopisom Odbora Javnog radiotelevizijskog sistema BiH o isteku mandata članova Odbora Javnog radiotelevizijskog sistema BiH usvojila dva zaključka. Prvi zaključak, koji je usvojen jednoglasno, glasi:

1. *Komisija za vanjsku i trgovinsku politiku, carine, saobraćaj i komunikacije Doma naroda PSBiH poziva Kolegij Doma naroda PSBiH da učini sve da se procedura izbora člana Upravnog odbora BHRT-a iz srpskog naroda ubrza i što je moguće prije okonča.*

Sljedeći zaključak Komisija je usvojila s tri glasa „za“, bez glasova „protiv“ i s jednim „suzdržanim“ glasom:

2. *S ciljem održavanja kontinuiteta u radu Upravnog odbora BHRT-a, Komisija za vanjsku i trgovinsku politiku, carine, saobraćaj i komunikacije smatra da član Upravnog odbora BHRT-a kojem je istekao mandat treba nastaviti rad u punom kapacitetu sve do imenovanja novog člana Upravnog odbora*

Sjednica je završena u 15,30 sati.

Sekretar Komisije  
za vanjsku i trgovinsku politiku,  
carine, saobraćaj i komunikacije  
Nenad Pandurević

Predsjedavajuća Komisije  
za vanjsku i trgovinsku politiku,  
carine, saobraćaj i komunikacije  
Alma Čolo